

Bosna i Hercegovina
FEDERACIJA BOSNE I HERCEGOVINE
VRHOVNI SUD
FEDERACIJA BOSNE I HERCEGOVINE
GRADANSKO ODJELJENJE
Broj: 18 0 P 020704 16 Spp
Sarajevo, 20.04.2016. godine

Vrhovni sud Federacije Bosne i Hercegovine u Sarajevu, odlučujući o zahtjevu tuženog Salihović Huseina iz Bosanske Krupe za rješavanje spornog pravnog pitanja od 20.01.2016. godine u predmetu Općinskog suda u Bosanskoj Krupi broj: 18 0 P 020704 13 P na osnovu odredbe člana 61.a) Zakona o parničnom postupku („Službene novine FBiH“ broj: 53/03, 73/05, 19/06 i 98/15-dalje ZPP), te odredbe člana 18. Pravilnika o unutrašnjem sudskom poslovanju Federacije Bosne i Hercegovine i Brčko Distrikta („Službeni glasnik BiH“ broj 66/12 i 40/14), na sjednici Građanskog odjeljenja održanoj 20.04.2016. godine donio je

ODLUKU

Odbacuje se zahtjev tuženog Salihović Huseina iz Bosanske Krupe za rješavanje sporno pravnog pitanja u predmetu Općinskog suda u Bosanskoj Krupi broj: 18 0 P 020704 13 P koji glasi:

„Da li u periodu dok traje postupak za odlučivanje po žalbi tuženog ima uslova da se vodi postupak utvrđenja prava vlasništva na istoj nekretnini označenoj kao k.č. 21/89, upisanoj u posjedovnom listu broj 572 k.o. Bosanska Krupa na kojoj je već nepravosnažnom presudom Opoćinskog suda Bosanska Krupa broj 18 0 P 024726 14 P od 22.06.2015. godine na temelju istih subjektivnih dokaza pravo vlasništva sa dijelom $\frac{1}{4}$ utvrđeno u korist Bećirević Dike iz Bosanske Krupe, te da li bi dalji nastavak vođenja ovog postupka ukoliko bi se udovoljilo ovom tužbenom zahtjevu, mogao dovesti do zemljišno knjižne neprovođenosti ovih presuda“.

Obrazloženje

U pravnoj stvari tužitelja Bajrić Ajke protiv tuženog Salihović Huseina u toku je postupak, za utvrđenje da je tužiteljica Bajrić rođ. Salihović Ajka iz Bosanske Krupe temeljem gradnje i dosjelogosti stekla pravo vlasništva jedne porodične kuće izgrađene na sprat, kao i zemljišta koje služi za njenu redovnu upotrebu, (čiji podaci će se precizirati nakon provedenog vještačenja), sagrađena na parceli k.č. 21/89 ukupne površine 296 m², upisane u pl. 572 k.o. Bosanska Krupa što je tuženi Salihović Husein dužan priznati i tužiteljici izdati ispravu podobnu za zemljišno knjižni prenos, jer će u protivnom ovakvu ispravu zamjeniti ova presuda temeljem kojeg će se tužiteljica Bajrić Ajka na naznačenim nekretninama upisati kao vlasnik sa dijelom 1/1 te naknaditi joj sve troškove parničnog

postupka i to u roku od 15 dana od dana donošenja presude. Tokom postupka odlučujući o prijedlozima stranaka prvostepni sud je rješenjem broj 18 0 P 020704 13 P od 6.8.2015. godine dozvolio Bećirević rođ. Salihović Diki iz Bosanskoj Krupi učešće u parnici u svojstvu umješača na strani tuženog Huseina Salihovića iz Bosanske Krupe, s tim što umješač prima parnicu u onom stanju u kakvom se nalazi u trenutku mješanja u parnicu, dok je rješenjem isti broj od 14.1.2016. godine odbijen prijedlog umješača Bećirević rođ. Salihović Dike za prekid postupka, nakon čega je tuženi podneskom od 20.1.2016. godine predložio da se podnese zahtjev za rješavanje pravnog pitanja u smislu kako ga je definisao u ovom podnesku i kako je to navedeno u izreci ove odluke.

Općinski sud u Bosanskoj Krupi je ovom sudu dopisom broj 18 0 P 020704 13 P od 20.4.2016. godine dostavio prijedlog/zahtjev za rješavanje sporno pravnog pitanja koga je postavio tuženi. Zahtjev je dostavljen i protivnoj strani, a uz dopis Općinskog suda je dostavljen i spis, te mišljenje da u konkretnom slučaju ne postoji sporno pravno pitanje.

Odredbom člana 61.a) ZPP-a propisano je da se postupak za rješavanje spornog pravnog pitanja pokreće ukoliko pred prvostepenim sudom u većem broju predmeta postoji potreba da se zauzme stav pema spornom pravnom pitanju koje je od značaja za odlučivanje o predmetu postupka pred prvostepenim sudom. Postupak pokreće zahtjevom prvostepeni sud po službenoj dužnosti ili na prijedlog stranke. Prema odredbi člana 61.b) ZPP-a taj zahtjev treba sadržavati prikaz utvrđenog čijeničnog stanja u konkretnoj pravnoj stvari, navode stranaka o spornom pravnom pitanju i razloge zbog kojih se sud obraća za rješavanje spornog pravnog pitanja, a sud će uz zahtjev priložiti i sopstveno tumačenje spornog pravnog pitanja.

U konkretnom slučaju zahtjev nije podnio prvostepeni sud već tuženi koji nije ovlašten da pred Vrhovnim sudom Federacije pokreće postupak za rješavanje spornog pravnog pitanja.

Iz navedenih razloga Građansko odjeljenje Vrhovnog suda FBiH, a primjenom odredbe člana 61.a) ZPP-a je odbacilo zahtjev tužitelja za zauzimanje pravnog stava o sporno pravnom pitanju.

Predsjednik Građanskog odjeljenja
Zdravka Grebo Jevtić, s.r.

